

**Mbete kí njèkungi joo kí Pol  
ndàngi adi  
Tesaloniki-je  
Ta-je kí do mbete-ti kí  
njèkungi joo kí Pol ndàngi  
adi Tesaloniki-je**

Kaglo dæə n̄a go mbete-ti liə kí dɔsɔy kin al ya Pol ndàngi mbete kí njèkungi joo kin adi njékadmɛɛ-je kí Tesaloniki. Ɛ isi bebo Kɔrɛnti-ti ya b̄əy, bá njékadmɛɛ-je kí Tesaloniki lé kàrè, d'isi d'ulə kəm-dé ndoo kdɔtalə kadmɛɛ lə-dé ya b̄əy rəm. Beba ɛ ndàngi mbete adi-dé kdɔ tɔji-dé-né né-je kí to tó-é al kí tò tagir-ti, k̄i panjiyə dow-je madi-je-ti kí dan-dé-ti.

Lo kɔr-é-ti kí 1 lé, Pol ra oiyo kdɔ Tesaloniki-je lé, dan kulə kəm ndoo-ti ya kàrè, dɛ d'ɔw ki kete-kete mɛɛ kadmɛɛ-ti lə-dé rəm, mɛɛ ndigi dow-je-ti rəm. Ngà ɛ ree oo kí dow-je madi 'tulə-dé nati mɛɛ néndó-je-ti kí ngom kí sobi do təl ree lə 'Babe. Gin-é kin bá, lo kɔr-é-ti kí 2 lé, ɛ ndó-dé ta kí tɔgrɔ-ti panè: 'Babe təl ree al b̄əy, rəm bá tò kadi né-je madi à ra né kete n̄ə ndo ree-é-ti. Lo kɔr-é-ti kí 3 lé, ɛ ndó-dé kí njékadmɛɛ-je kí panjiyə-dé tò jugi-jugi lé, kadi d'oo kəmtondoo lə-dé al. Mbete kin tɔji ndigi kí ɛ ndigi Tesaloniki-je titi kí tò-né mɛɛ mbete-ti liə kí dɔsɔy kí adi-dé kin ya tɔ.

*Tɔji rɔ kɛ lapiya kɛ ra*

<sup>1</sup> †Mɔ Pol, j'isi nati kɛ Silbɛ-je\* kɛ Timote b́a m'ndàngi mbete kin m'adi-si sɛi njékəwnɔ-je kɛ bebo Tesaloniki-ti kɛ 'nami kàdì Bɔbi-ji Lubə-ti rəm, 'nami kàdì 'Babe Jeju Kristi-ti rəm. <sup>2</sup> Kadi Bɔbi-ji Lubə dɛ kɛ 'Babe Jeju Kristi d'adi ramaji kɛ lapiya lə-dé nɔy sə-si.

*Ta kɛ gangi kɛ ndɔ təl Jeju-ti*

*1Te 1:2-7; Plp 1:3-6,27-30; Mat 13:40-43; 25:31-*

**46**

<sup>3</sup> Sɛi ngankɔ-m-je kɛ njékadmɛɛ, tò kadi j'ra oiyo Lubə taá-taá kɔɔ ta lə-si, ə to tó-é kadi j'ra bè, kɔɔtalə kadmɛɛ lə-si kɛ ɔw kɛ kete-kete nɔ rəm, b́a ndignɔ kɛ dan-si-ti lay kàrè ì dɔ madi-é-ti kɛ kete-kete rəm tɔ. <sup>4</sup> Bɔy b́a dan njékəwnɔ-je-ti kɛ gay-gay kɛ 'to njékəwnɔ-je lə Lubə lé, sɛi ya b́a jɛ j'osi-né gajɛ rɔ-ji, kɔɔ kuwə rɔ ngɔ lə-si, kɛ kadmɛɛ lə-si dan né-je-ti lay ya kɛ to kulə kəm-nɔ ndoo-je, kɛ kɔ-je kɛ tɛɛ dɔ-si-ti. <sup>5</sup> Né kin b́a tɔji ta kɛ gangi kɛ njururu lə Lubə, kɔɔ kadi asi gaki kadi ooi kɔbɛ liə kɛ ingəi-né kɔ lé ya. <sup>6</sup> Kɔɔtalə Lubə oo adi to né kɛ njururu kadi n'adi kɔ dow-je kɛ njékadi-si kɔ kin tɔ. <sup>7</sup> Ə sɛi kɛ d'adi-si kɔ lé, loki 'Babe Jeju à kɛ dɔrɔ-ti kɔɔ ree nati kɛ malayka-je liə kɛ njétɔgi-je lé, Lubə à kadi 'taai koo nati sə-ji. <sup>8</sup> Jeju à ree dan ndɔ pər-ti kɛ ɔ bilim-bilim, kɔɔ kadi kɔ dow-je kɛ njégə Lubə al, kɛ dow-je kɛ njémbati təl rɔ-dé go Poyta kɛ Maji-ti lə 'Babe lə-ji Jeju. <sup>9</sup> Dowbɛ-je kinlé né kɛ to kɛ à ra-dé lé, to tuji kɛ sartagangi kɛ à tɛɛ dɔ-dé-ti ngərəngi takəm

† **1:1** 1:1 Knj 17:1 \* **1:1** 1:1 Silbɛ lé ya to Silasi (Knj 15:22; 2Kɔ 1:19)

'Babe-ti, k̀i rifa liə ḱi n̄a. <sup>10</sup> Ndo-é-ti kinlé, loki ɛ̀ à ree kdo kadi njékaa njay-je liə d'osi gaji-é ə kadi dow-je lay ḱi d'a kadi-é m̄eɛ-dé d'oo kurə-é lé, səi k̀arè a k̄aj dan-dé-ti tɔ; kdɔtalə səi 'ndigi dɔ ta-je-ti ḱi sobi dɔ-é ḱi j'idə-si lé.

<sup>11</sup> Gin-é kin b́a j'isi j'pa-né ta k̀i Lubə taá-taá kdo ta lə-si, kdo kadi Lubə lə-ji adi panjiyə-si tuwə panjiyə dow-je ḱi 'ndigi ta ba-ti liə rəm, kadi adi tógi-é ra sə-si dɔ kɔjra-je-ti ḱi maji-maji lay ḱi t̀ò m̄eɛ-si-ti rəm, b́a dɔ kullə kadm̄eɛ-ti lə-si rəm tɔ. <sup>12</sup> Bè kdo kadi k̀i takul ramaji lə Lubə lə-ji k̀i lə 'Babe Jeju Kristi lé, ri 'Babe lə-ji Jeju ingə-né kɔsgaji dan-si-ti rəm, b́a kadi səi k̀arè ingəi-né kɔsgaji rɔ-é-ti rəm tɔ.

## 2

### *Né ḱi à ra né kete ǹɔ ndo təl Jeju-ti*

<sup>1</sup> †Səi ngankɔ-m-je ḱi njékadm̄eɛ, ta ḱi sobi dɔ ree lə 'Babe lə-ji Jeju Kristi ḱi à ree, k̀i kəw ḱi j'a kəwi-n̄a rɔ-é-ti lé, j'dəji-si <sup>2</sup> kadi kinə dow idə-si panè ndo lə 'Babe lé ree ngá k̀arè adi ta kin təl dɔ-si kalangi bè al rəm, adi gangi singə-si al rəm tɔ. Kdo dow à k̄i panè ndil t̄eɛ k̀i dɔ ta ḱi t̀ò lo bɔyɔrɔ-ti adi n'oo, əse n'oo ta madi əse n'ingə mbete madi ḱi j̄ rɔ-ji-ti. <sup>3</sup> Adi dow ədi-si al k̀i kədi al ya bè; kdɔtalə dow-je d'a mbatilə Lubə rəm, n̄amajal ḱi njèkilə kuji dɔ Lubə-ti al, à t̄eɛ kɔy kadi d'oo-é b̄əy b́a ndo kin à ree b̄əy. <sup>4</sup> Ɛ̀ lé to njèba, njèba rɔ-é dow ḱi boy ngay dɔ né-je-ti lay ḱi dow-je d'oo d'adi to Lubə, k̀i né-je lay ḱi

---

† 2:1 2:1 1Te 4:15-17

dow-je 'pole; ɛ à kɔw mbing kisi meẽ kɔy-ti lə Lubə kɔɔ panə n'è ya n'to Lubə.

<sup>5</sup> Ndokɪ m'isi-né sə-si nati, bá m'idə-si ta-je kinlé, meẽ-si ole dɔ-ti ya al wa?

<sup>6</sup> Ngà kí ngɔsnè kinlé, né kí uwə-é ki gogɪ kɔɔ kadi ngəbi dɔkaglo liə tá ree lé, səi 'gəi ɔw.

<sup>7</sup> Kɔɔtalə njəmbati Lubə lé, tɔgi-é kí tò lo ɔɔyɔ-é-ti rəmə isi ra kullə ngá; ngà nəy kadi né kí uwə-é ki gogɪ lé ya goto bá ɛ à toji rɔ-é ndaa-ti rəsi ɔy.

<sup>8</sup> Njəmbati Lubə lé à ree ə 'Babe Jeju à tɔl-é ki koo kí ta-é-ti, à tuji-é puku-puku ndo ree-é-ti kí à tò ndaa-ti rəsi.

<sup>9</sup> †Ndo ree lə njəmbati Lubə lé, Sata à ra né mbəli-je, kɪ nékɔji-je, kɪ né-je kí tò ɔəl-ɔəl kí to né kədi dow-je, <sup>10</sup> à ra né-je kí maji al kí gay-gay lay kɔɔ kədi-né dẽ kí d'a tuji; kɔɔtalə ta kí tɔgrɔ-ti kí à kaji-dé lé ya nəl-dé al adi 'mbati. <sup>11</sup> Gin-é kin bá, Lubə ulə kɪ né kí à kur-dé, wale kɔɔ kadi ra-dé adi d'oo takədi kɪ ta kí tɔgrɔ-ti. <sup>12</sup> Bè kɔɔ kadi dow-je lay kí 'mbati ta kí tɔgrɔ-ti ə né ra kí njururu al bá nəl-dé kinlé, 'gangɪ-né ta dɔ-dé-ti.

*Ta kí dɔ kɔ dingəm meẽ kadmeẽ-ti*

*1Pi 1:2-9*

<sup>13</sup> Səi ngankɔ-m-je kí njəkadmeẽ, kí 'toi dow-je kí 'Babe ində-si dan kəm-é-ti kinlé, tò kadi j'ra oiyo Lubə taá-taá kɔɔ ta lə-si, kɔɔ ɛ mbəti-si lo kində gin né-je-ti kadi aji kɪ takul Ndil kí aa njay kí təl-si dow-je-ti kí d'aa njay rəm, bá kɪ takul ndigi kí səi 'ndigi dɔ ta-ti kí tɔgrɔ-ti kin rəm tɔ. <sup>14</sup> Né kin bá Lubə ɔa-si-né kɪ kəm rəbi

---

† 2:9 2:9 Mat 24:24

Poyta kí Maji kí j'ilò mbe-é j'adi-si, kɔ kadi ingøi-né riba lə 'Babe lə-ji Jeju Kristi. <sup>15</sup> Gin-é kin bá səi ngankɔ-m-je kí njèkadmeɛ lé, ɔi dɔ nja-si-ti njàngi ə né-je kí j'ndó-si kà ta-ji əse ɛ kí j'ndàngi mbete-ti bá j'adi-si kinlé uwəi njarara. <sup>16</sup> Kadi 'Babe lə-ji Jeju Kristi ya kà dɔ-é dɛ kà Bobi-ji Lubə kí njèndigi-ji, njèkadi-ji nékində meɛ dɔ-ti kí maji rəm, njèsol meɛ-ji sol kí sartagangi kí go ramaji-ti liə lé, <sup>17</sup> dɛ ya 'sol meɛ-si ə 'mbusi nja-si meɛ kullə-je-ti lay əse meɛ ta-je-ti kí maji-maji lay rəm tɔ.

### 3

#### *Kullə dingəm meɛ-nɔ-ti kɔ pa ta kà Lubə Rɔm 15:30-32*

<sup>1</sup> Beba səi ngankɔ-m-je kí njèkadmeɛ, 'pai ta kà Lubə kɔ ta lə-ji, kɔ kadi ta lə 'Babe ɔw-né kəm-é ki kete-kete rəm, bá kadi dow-je 'piti titi kí 'piti-né dan-si-ti kin bè; <sup>2</sup> rəm 'pai ta kà Lubə kɔ kadi taa-ji ji dow-je-ti kí maji al kí to njèmeɛndul-je, kɔ dow-je lay bá 'to njèkadmeɛ-je al. <sup>3</sup> Ngà 'Babe kí to njèkɔ dɔ ndi-é-ti lé, à mbusi nja-si rəm, bá à ngəm-si ta Njèmeɛndul-ti rəm tɔ. <sup>4</sup> 'Babe adi j'gə maji kí né-je kí j'un ndu dɔ-ti j'adi-si kinlé, isi 'rai rəm, bá a rai par-par rəm tɔ. <sup>5</sup> Kadi 'Babe ra kullə meɛ-si-ti adi 'ndigi Lubə rəm, kadi uwəi rɔ-si ngɔ titi Kristi bè rəm tɔ.

#### *Ta kí dɔ ra kullə-ti*

<sup>6</sup> Səi ngankɔ-m-je kí njèkadmeɛ, j'un ndu j'adi-si kà ri 'Babe lə-ji Jeju Kristi, kadi njèkadmeɛ kí panjiyə-é tò jugi-jugi, bi uwə ta-nɔ kà néndó kí

ingəi rɔ-ji-ti kin al lé, ɔri rɔ-si kɔgi rɔ-é-ti. <sup>7</sup> Né kí a rai kɔ ndaji-né kullə ra-ji lé, səi 'gəi maji. Jɛ lé panjiyə-ji kí dan-si-ti tò jugi-jugi al. <sup>8</sup> Jɛ j'uso né lə dow kare al, ngà j'ra kullə j'ɔɔ rɔgi-rɔgi, j'a ta-ti ndɔɔ-je kì kada-je, kɔ kadi j'ɔy dow dan-si-ti al. <sup>9</sup> To tó-é kadi ooi go-ji ya, ngà jɛ j'ra bè kɔ j'ndigi kadi jɛ ya j'təl néndaji kadi 'ndaji. <sup>10</sup> Kɔ loki j'isi rɔ-si-ti lé, ndɔki j'un ndu j'adi-si j'panè: Kinə dow ndigi ra kullə al lé, kadi-é uso né al tɔ bane! <sup>11</sup> Ngà jɛ j'oo poy dow-je madi dan-si-ti kí panjiyə-dé tò jugi-jugi, dɛ 'ra kullə al kɔ kow kilə go né-je-ti kí kare. <sup>12</sup> Dow-je kí tanə bè kinlé, kì ri 'Babe Jeju Kristi j'dəji-dé rəm, j'un ndu j'adi-dé kadi d'ore kəm-dé go kullə-ti ya 'ra kì mɛɛ kusi nangi kɔ kadi d'ingə-né nékuso-dé kí sobi dɔ-dé. <sup>13</sup> Ngà səi ngankɔ-m-je kí njékadmɛɛ rəmə, adi dabi ra-si dɔ ramaji-ti al.

<sup>14</sup> Kinə dow madi mbati koo ta-je kí j'ndàngi j'adi-si kin rəmə ooi-é maji ə ɔri rɔ-si kɔgi rɔ-é-ti kadi rɔ-é sɔl-é. <sup>15</sup> Ngà koo bá ooi-é kí njəba lə-si al, ngà 'ndángi-é titi ngonkɔ-si bè.

### *Tɔrndi dɔ-ti kì lapiya kí ra*

<sup>16</sup> Kadi 'Babe kì njəlapiya ya adi-si lapiya kì kəm rəbi-je lay rəm, bá kì dɔkaglo-je lay rəm tɔ! Kadi 'Babe nà y sə-si lay.

<sup>17</sup> Ta-je kí mɔ Pol ya m'ndàngi kì ji-m ban: M'ra-si lapiya. Ji-m kí m'ində mbete-je-ti lə-m lay ban; néndàngi lə-m ya tɔ ə tò tin. <sup>18</sup> Kadi ramaji lə 'Babe lə-ji Jeju Kristi nà y sə-si lay.

**Ta lə Lubə Kunmindí kí Sigi**  
**Mango: Ta lə Lubə Kunmindí kí Sigi (New**  
**Testament)**

copyright © 2019 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

96bdbd07-24d6-556c-9e7c-7269c72880cd